

第十冊

甘露事類

興寧治水計劃

重訂眼科約編

賢勞輯略(附)

興寧先賢叢書

興寧先賢叢書

袁五松敬署

中華民國六十六年六月初版

興寧先賢叢書 第十冊

每冊定價拾元

出版者：興寧先賢叢書校印處

總經售：中國學社

香港麥當奴道二十二號二樓

承印者：大同印務有限公司

香港北角和富道九十六號

刊印興寧先賢叢書引

興寧自有宋羅學士孟郊以文節為天下倡與贛人胡銓等詆秦檜議和率太學生陳東等數千百人請願拒敵一時才俊咸發興奮咸思報國孟郊又久從楊時龜山遊以濂洛之緒自任邑人化之寔有以志節與理學顯者至明而王御史天與遂以醇儒佐王文成公守仁與平贛南及宸濠之役著平寇錄見志卒以身殉而張天賦汝德受業湛若水甘泉之門以理趣為學問之本尤以淵醇虛白英秀朗察為祝允明枝山所推重由是吾邑有名節與性理之學當有宋盛時江右學者咸倡詩古文辭覃研極造激盪潮流興寧界閩贛之交學子慕效不歇而陳宣教南一為文尤雅健

不羣。迄明及清遂有何南鳳、詠堂、石咏竹、道野、曾榮、科玉、峯、石娥、嘯鐵、霽、陳銓、次臣、何映柳、麟山、羅學旦、魯亭、羅清、英松、亭、孫恆亨、西肱、劉啟英、迪齋、王嶸、曉園、吳熙乾、自園、李方榮、顯齋、傅兆麟、榆根、陳其孫、魯塘等，並以文學為時所重。戛戛獨造，不懈而及於古。由是吾邑有詩古文辭之學。自明季秦西耶穌會士以天文新法傳授中土，吾邑羅慶輝於康熙之際，漫遊河朔，遇異人傳授天文星象、六壬、吉凶之術，復入欽天監，究心曆算，窮極微隱，以泰西新法合中土方術，歸里為通書年曆，奉旨頒行全國，號羅氏通書。族內子孫歷世立三數人，綜傳天曆推算。由是吾邑有天文曆法之學。而經學、史學與夫音韻、訓詁之學亦代有通人傳授不絕，遞演。

至於光緒之世。尤學者輩出。言文學則胡曦曉岑。言數學則饒寶書。簡香。言經學則羅獻修。孝博。言小學則羅翹雲。諳其言史學則羅師楊。幼山。而胡先生尤精力過人。又最為老師。有羣峰共仰之概。胡先生少遊邑儒陳炳章。燦林之門。傳受經史與詩古文辭。更與嘉應黃遵憲公度。鎮平先輩鍾孟鴻。過賓友善。公度善以新詞入詩。胡先生相與揚榷其學。而一主於曲達詩義之微。與學術志節相表裡。自以吾粵人也。闡揚先業。敘述風土。不敢以讓人。窮居著述。積數十年。成興寧圖志考。粉榆碎事。湛此心齋詩文集。梅水滙靈集等三十餘種。大要以推源治本。昌明絕學。憲章名節。宏揚風雅為依歸。蓋自是而吾邑歷世相守之學。盡傳於時焉。同人等

生長斯鄉，景仰情切。茲擬悉心蒐訪，刊為興寧先賢叢書，所願邦人君子，四海知交，協助印資，勸斯盛舉。則先賢志業，得所闡發，而學術文化，維繫不墜，豈惟桑梓之幸，抑亦民族之光也。是為引。

發起人袁五松王蔭平羅香林敬啟

興寧先賢叢書輯錄略例

一、興寧處粵之東隅，去閩贛殊近，其素習兼具粵贛閩之長，明耻尚義，隆禮守法，而賢能之士，每孕育其間。惟土地蒸濕，木魚易蓄，是以歷代賢士，雖有述作，而時序稍更，輒多殘蝕。茲就蒐羅所及，略加理董，其有原稿尚存，或有原刻本者，則以原稿或原刻影印，其無原稿，或原刻已殘缺者，則以舊藏鈔本，或新所輯佚，比次影印。大要以整理先後為序，俟全書印成，容當別為分類目錄也。

一、自來輯印鄉邦文籍，原以景仰前賢為旨。敬恭桑梓，發潛闡幽，取材例自稍寬，與作者自印有殊。本叢書所輯先賢遺著，每帙

必為撰作序跋，以誌緣起，或為輯錄其人碑傳，繫於卷端，其有
僅得零篇，未能成帙，而詞義高卓，可為世法者，則擬編入興寧
文徵，此不悉載焉。

一、本叢書蒐集於亂離之世，百端護持，備歷艱苦，今幸承熱心俊
彥協助鉅貲，克為印行，緬維高風，實深感佩。爰於每冊附頁表
列協助芳名，藉為紀念云爾。

民國四十七年四月十五日羅香林識於香港

甘露事類

元一署端



民國六十六年二月興
寧先賢叢書校印處
據寧先閣藏鈔本影印

族父曉岑先生誄 并序 代

胡錫侯

天之愛聖賢什百於庸衆自尋常視之鮮不謂天厚於庸衆而薄於聖賢而不知堦陽亭毒其巧以位置者正天之不欲以常格待畸人耳予少即聞曉岑胡先生之名及長而相過從或時奉尺書相與上下其議論見其答問淹洽原始要終則畢然於先生之才之奇也既而聞其環堵蕭然家無長物歌聲金石髣髴仲憲之為人又愀然於先生之遇之窮也某不敏不能以窺先生之深然即所鑽仰者以覩纓顛末後之覽者或有取焉先生少負大志慨然以時局為己任家貧力學姿性過人尊甫吉士封君竭力造就之成童後從陳燦林明經遊明經奇其才不督束脩令之學後且妻

之以女勛愛甚至年十七受知於殷學使壽彭補弟子員不數年
捷步食餽時則銳意舉業復師邑學訓導高要胡杏莊孝廉辛未
定遠何侍郎廷謙視學粵東得先生文大嗟異之對先生從兄寶
臣中翰言亟稱其天資壬申考古遂甄為全屬第一壹等第二選
拔萃科越明年甲戌入都朝考人以先生壬腹便便挂席滄海將
瞬息蓬瀛足以拔爾抑塞磊落才矣及就試報罷旋赴棘闈癸酉
壬午先後出儲君樹人饒君繼惠房屢薦不售而先生志不少衰
也每下場輒不作第二人想乙酉出闈後暢然意滿自謂必元及
榜揭卒見遺先生以是知命之果與才讎也自是絕意仕進反故
廬杜門不出網羅散佚捃摭舊聞壹以著述為務或時有所觸輒

獨步郊野。尋幽賞勝。或對客縱談古今事。披隙導竅。辨口如懸河。移時神氣益厲。能令聞者不倦。而先生亦自忘疲。且不覺妻號寒。而兒啼飢也。善誘後進。從遊問字者日衆。其掇巍科。充上舍卓然成學者。踵相接於時。性峻潔。工書。納橐則輒然。因此欲求筆跡者。悉不敢懷。金室益屢空焉。有求脩輒付諸手。民割剝立盡。而先生言笑意氣自若。絕口不談有無。其安貧而樂道也如此。嗚呼。予曷論列人品。嘗欲得一經德不四足以厲世而磨鈍者。以風示後學。則且稽之訓典。徵諸往行。前言或砥礪廉隅。不削方為圓。不娒跂以隨俗。經百端摧挫。而其志不撓。或攷據精博。彈見洽聞。出其餘瀝。足以沾溉儕輩。或張皇幼眇。假諸形容。雕鏤敷陳。足以抒古今。

事理之蕃變而極風雲飛走之情狀。過今皆於先生遇之。則又以
為蒼蒼者。誠不知何心。何以昇其才者。若是之篤且全。而畜其境
者。如是之窮且阨也。嗚呼。吾知之矣。惟窮故奇。奇人必多奇。阨
而後氣節見也。阨而後智慧宏也。阨而後德性定也。則謂天之摧
折坎壈。以終其身者。即天之玉汝以成焉可也。其平日講學。最服
膺朱而兼取陸。嘗言朱子才大。陸子天資高。初無同異。故其學要
以有體用為歸。論文獨推韓子。長公而下。猶未慊志也。生平熟於
著書體例。撰述甚富。工詩古文辭。一切駢儷詩尤力求自成家。不
屑傍古人門戶。其所成就者遠矣。又嘗以邑志蕪陋。特成興甯圖。
志攷一書。使天假之年。將出其所學。以斧藻於鄉邑者。聲明文物。

於天下蘭臺東觀必更有進焉而惜乎天之不慙遺也於今年五月之朔日忽然奄逝遽與世長辭嗚序先生起家寒素中間困頓於名場迭盤於世俗遊蓮幕設絳帷北轍南轅飢寒交迫之日多而卒不以萬難易其介非知道者能若此哉孔子曰歲寒然後知松柏之後彫也今乃遽為冥冥奪之以去承學之士將安所折衷耶哀傷之情羣不能已相率而誄之其辭曰

君之行兮徜徉蹇誰留兮帝鄉蘭蕙稠兮鼂鼂筵鍾叩兮威英騷濁世兮秕糠我思古人兮純德孔明違時兮獨立神高馳之邈邈兮憑濯足於扶桑義利關兮嚴舜跖死生瞬兮齊彭殤夫為真修之不可沒兮名與松喬等壽而節與箕頊爭光嗚序聞先生之風

兮激揚芬芳